



Na osnovu Odluke Komisije za izbjeglice i raseljene osobe BiH o raspoređivanju sredstava za podršku procesu povratka u BiH u 2009. godini, broj: K-16-15-97-2928/09 od 25.05.2009. godine i Odluke ministra za ljudska prava i izbjeglice o imenovanju stručnog tima za provođenje procedure odabira prijedloga projekata nevladinih organizacija i medija, broj: 01-50-155/09 od 27.11.2009. godine, upućujem

# JAVNI POZIV

za prikupljanje projektnih prijedloga  
podrške nevladinim organizacijama i medijima u oblasti povratka izbjeglica

## Predmet i cilj javnog poziva

Predmet javnog poziva je prikupljanje projektnih prijedloga podrške nevladinim organizacijama i medijima u oblasti povratka izbjeglica, a u skladu sa Odlukom Komisije za izbjeglice i raseljene osobe BiH o raspoređivanju sredstava za potporu procesu povratka u BiH u 2009. godini, broj: K-16-15-97-2928/09 od 25.05.2009. godine.

## Visina i namjena sredstava

Ukupna osigurana sredstva namijenjena za finansiranje projekata podrške nevladinim organizacijama i medijima iznosi 450.000,00 od čega minimalna vrijedost projekta 5.000,00 KM a maksimalna vrijednost projekta 50.000,00 KM.

## Pravo učešća na javnom pozivu - kriterij podobnosti

Da bi postali prihvatljivi za dotaciju, aplikanti moraju ispoštovati sljedeće:

- da su nevladine organizacije
- da imaju sjedište u BiH,
- registrirani elektronski mediji.

## Opći uslovi za učešće na javnom pozivu

Opći uslovi za podnošenje projektnih prijedloga koji su eliminatorni i obavezujući za sve aplikante su:

- 1) poželjne su isključivo NVO kojima je pitanje povratka prioritet u statutarnim i programskim dokumentima, a za elektronske medije moraju predočiti dokaze da su sposobne implementirati medijske projekte;
- 2) Aktivna saradnja sa Ministarstvom za ljudska prava i izbjeglice tokom implementacije projekta;
- 3) Uključenost više partnera, saradnika i kooperanata u implementaciju projekta;
- 4) Cilj projekta mora biti u izravnoj funkciji povratka – u smislu da ciljevi i rezultati istraživanja i medijskih projekata budu iskoristivi, konkretni i mjerljivi;
- 5) Utvrđeno pravo vlasništva nad izlaznim rezultatima projekta (u medijskim projektima to može biti autorsko pravo);

## Partnerske organizacije

Partneri aplikanta učestvuju u dizajniranju i implementaciji projekta. Troškovi koje oni imaju su prihvatljivi, ali punu pravnu i finansijsku odgovornost za izvršenje projekta snosi NVO i elektronski mediji koja je odabrana kao strana ugovora/dobitnik dotacije. Izjava o partnerstvu mora biti pravilno ispunjena i predana zajedno sa aplikacijom.

## Organizacije saradnici

Projekat može uključivati organizaciju saradnika da bi se uvećao kredibilitet održivosti projekta (ministarstva, lokalne vlade, policija, strane agencije, itd). Aplikant mora obezbijediti pismo podrške od organizacije saradnika koja potvrđuje njenu spremnost da saraduje sa okvirnim projektom.

### **Podkontraktori**

Podkontraktori nisu ni partneri ni saradnici. To mogu biti i komercijalna poduzeća, pod uslovom da je njihovo učešće limitirano i jasno definirano.

### **Posebni kriteriji za vrednovanje projektnih prijedloga**

Posebni kriteriji kao elementi za vrednovanje projektnih prijedloga koji će služiti kao osnov za rangiranje prema prioritetima su:

#### 1) Referenc lista

(Da li aplikant i partneri imaju dovoljno iskustva u istim i sličnim projektima, kao i tehničku stručnost i kapacitete menadžmenta, uključujući osoblje i opremu?)

#### 2) Relevantnost i održivost

(Koliko je projekat relevantan u odnosu na ciljeve ili jedan ili više prioriteta ovog poziva za dostavljanje prijedloga projekata, koliko su potrebe ciljnih grupa jasno definirane, broj krajnjih korisnika, koliko projekat sadrži specifične elemente dodane vrijednosti, kao što su inovativni pristup, modeli dobre prakse, promocija jednakosti spolova, jednakih mogućnosti, itd) Da li će akcija imati stvaran uticaj na ciljne grupe? Da li će možda biti umnožavajućih efekata (produžavanje rezultata i objavljivanje informacija)? Da li će biti „vlasništva“ na rezultate akcije - projekta? Na nivou politike – da li projekat može voditi ka unapređenom zakonodavstvu, pravilima ponašanja, metodama, itd.);

#### 3) Metodologija

(Koliko su predložene aktivnosti prikladne, praktične i u skladu sa ciljevima i očekivanim rezultatima? Da li je partnerov udio i učešće u akciji zadovoljavajuće? Kolika je teritorijalna pokrivenost? Da li je zadovoljavajući nivo učešća ciljnih grupa i krajnjih korisnika u projektu? Da li je akcioni plan jasan i izvediv. Koliki je uticaj na javno mnijenje?)

#### 4) Budžet i ekonomičnost

(Koliko je zadovoljavajući odnos između procijenjenih troškova i očekivanih rezultata? Koliko je vlastiti učešće aplikanta, partnera i ostalih, u projektu?)

### **Način vrednovanja posebnih kriterija**

Maksimalan broj bodova kojima se vrednuju posebni kriteriji ukupno je 100, od čega se vrednuje:

|                              |           |
|------------------------------|-----------|
| 1)Referenc lista.....        | 25 bodova |
| 2)Relevantnost .....         | 25 bodova |
| 3)Metodologija .....         | 25 bodova |
| 4)Budžet i ekonomičnost..... | 25 bodova |

### **Vrijeme trajanja javnog poziva i način podnošenja projektnih prijedloga**

Prijave na javni poziv se, skupa sa pratećom dokumentacijom, dostavljaju lično ili putem pošte na adresu Ministarstva za ljudska prava i izbjeglice BiH, Trg BiH 1, u zatvorenim kovertama, sa naznakom za Komisiju za evaluaciju projekatnih prijedloga, **ISKLUČIVO NA PRIJAVNOM OBRASCU** koji je dostupan na stranici Ministarstva za ljudska prava i izbjeglice BiH [www.mhrr.gov.ba](http://www.mhrr.gov.ba)

Javni poziv za prikupljanje projektnih prijedloga otvoren je 28 dana od dana objavljivanja.

Neblagovremene prijave se neće uzimati u razmatranje.

### **Evaluacija projektnih prijedloga i način odabira projekata za sufinansiranje**

Komisija za evaluaciju projektnih prijedloga imenovana Odlukom Ministra za ljudska prava i izbjeglice BiH broj 01-50-155/09 od 27.11.2009. god. utvrditi će osnove i izvršiti vrednovanje projektnih prijedloga prema posebnim kriterijima najkasnije u roku od 30 dana od dana isteka roka za dostavu projektnih prijedloga.

Komisija za evaluaciju projektnih prijedloga zadržava pravo da od podnosioca zatraži dodatna pojašnjenja projekta i dopunu projektne dokumentacije.

Odluku o odabiru projekata za sufinansiranje donosi Komisija za izbjeglice i raseljene osobe BiH na prijedlog Ministara za ljudska prava i izbjeglice BiH, na osnovu prijedloga Komisije za evaluaciju projektnih prijedloga.

**Način obavještanja o odabiru projekata za sufinansiranje**

Obavijest o odabiru projekata biće dostavljena u pismenoj formi svim učesnicima na javnom pozivu. Sa podnosiocima odabranih projektnih prijedloga zaključiće se posebni Ugovori o sufinansiranju projekata, koji će biti objavljeni u Sl. Glasniku BiH.

**MINISTAR**

**dr. Safet Halilović**

Broj: 01-50-7/10

Datum: 15. 1. 2010. godine